

Na osnovu Odluke Vlade Federacije BiH o usvajanju programa utroška sredstava sa kriterijima raspodjele sredstava „Akcijskog plana Strategije turizma Federacije BiH-Transfer za razvoj turizma“, utvrđenih Budžetom Federacije Bosne i Hercegovine za 2014 .godinu Federalnom ministarstvu okoliša i turizma, V.broj 1202/14 od 12.2014 godine, („Službene novine Federacije BiH“, broj: 53/14) i Odluke o raspisivanju Javnog poziva federalne ministrice okoliša i turizma, broj: 06-22-8-330/14-2 od 07.07.2014 .godine, federalna ministrica okoliša i turizma, raspisuje

JAVNI POZIV

za prikupljanje i odabir korisnika sredstava „Akcijskog plana Strategije turizma Federacije BiH-Transfer za razvoj turizma“ za 2014. godinu

I.

Predmet Javnog poziva je prikupljanje projekata za raspodjelu sredstava „Akcijskog plana Strategije turizma Federacije BiH-Transfer za razvoj turizma“ utvrđenih u razdjelu 61, na poziciji 614100 Budžeta Federacije BiH za 2014 .godinu Federalnom ministarstvu okoliša i turizma („Službene novine Federacije BiH“, broj 99/13).

II.

NAZIV PROGRAMA

1. Finansiranje kamata korisnicima kojima je odobren kredit putem Razvojne banke, a koji se odnose na unapređenje infrastrukture postojećih ugostiteljsko-smještajnih objekata, izgradnju novih ugostiteljskih objekata, proširenje smještajnih kapaciteta postojećih ugostiteljskih objekata, u cilju unapređenja turizma u ukupnom iznosu od 500.000,00 KM.

SVRHA PROGRAMA:

Poboljšanje kvaliteta usluga u oblasti turizma i ugostiteljstva na području Federacije BiH s namjerom obogaćivanja ponude i stvaranja novog i prepoznatljivog turističkog proizvoda, kao i novog zapošljavanja.

.

KORISNICI SREDSTAVA

Pravna i fizička lica registrirana za ugostiteljsku djelatnost u Federaciji BiH sa područja Federacije BiH.

KRITERIJI ZA RASPODJELU SREDSTAVA

Subvencioniranje kamata korisnicima čiji projekti doprinose razvoju turizmu, koji ispune kriterije Razvojne banke, a na osnovu Protokola Potpisanog između Razvojne banke Federacije BiH i Federalnog ministarstva okoliša i turizma, te odluke Federalnog ministarstva okoliša i turizma.

Projekti koji doprinose razvoju turizma, predaju se Razvojnoj banci na osnovu raspisanog Javnog poziva Ministarstva.

Nakon usvajanja od strane kreditnog odbora Razvojne banke i donošenja odluke o ispunjvanju uslova, ministrica federalnog ministarstva okoliša i turizma donosi odluku o subvencioniranju kamata.

2. Komisiona kreditna linija putem Razvojne banke za poticaj razvoja turizma, namijenjena provođenju Programa utroška sredstava utvrđenih Budžetom za 2014. godinu. Federalnom ministarstvu okoliša i turizma, za finansiranje tekuće likvidnosti i održavanja zaposlenosti ugostiteljsko-smještajnih objekata u FBiH kategoriziranih sa 4 ili 5*, u iznosu od 500.000,00 KM.

SVRHA PROGRAMA

Podizanje razine i raznovrsnosti usluga turističke destinacije, održavanja uposlenih, izmirenje dospjelih kreditnih obaveza prema komercijalnim bankama (zaduženja nastala zbog visokih kamatnih stopa), izmirenja poreskih obaveza (nastala nepovoljnim kreditnim obavezama prema komercijalnim bankama), obrtna sredstva (povoljnija nabava sirovina), povećanje prihoda.

KORISNICI SREDSTAVA:

Pravna i fizička lica registrirana za ugostiteljsku djelatnost u Federaciji BiH sa područja Federacije BiH, čiji su ugostiteljski objekti za smještaj kategorizirani sa 4* ili 5*.

KRITERIJI

- Rješenje o kategorizaciji, čiji su ugostiteljski objekti za smještaj kategorizirani sa 4* ili 5*,
- Dokaz o broju zaposlenih u turističko-ugostiteljskom objektu, koji imaju preko 30 uposlenika
- Dokaz o ostvarenim godišnjim prihodima, preko 1.000.000,00 KM.

Projekti koji zadovoljavaju postavljene kriteriji prijavljuju se Federalnom ministarstvu okoliša i turizma putem Javnog poziva, koji se nakon obrade dostavljaju Razvojnoj banci na dalju obradu i realizaciju programa.

3. Refundiranje kamata na godišnjem nivou uz kamatnu stopu do 5% korisnicima kojima je odobren kredit od strane komercijalnih banaka do maksimalnog iznosa 1.000.000,00 KM za 2014. godinu, za projekata koji se odnose na unapređenje infrastrukture novih ugostiteljsko-smještajnih objekata, izgradnju novih ugostiteljskih objekata, proširenje smještajnih kapaciteta postojećih ugostiteljskih objekata, povećanje konkurentnog poslovanja, nabavku opreme i dr. u cilju unapređenja turizma u ukupnom iznosu od 50.000,00 KM.

SVRHA PROGRAMA

Poboljšanje kvaliteta usluga u oblasti turizma i ugostiteljstva na području Federacije BiH s namjerom obogaćivanja ponude i stvaranja novog i prepoznatljivog turističkog proizvoda, kao i novog zapošljavanja.

KORISNICI SREDSTAVA

Pravna i fizička lica registrirana za turističko ugostiteljsku djelatnost u Federaciji BiH, kojima su odobreni krediti za razvoj turizma ili su u fazi odobravanja.

KRITERIJI

Sufinansiranje kamate se vrši na godišnjem nivou, a na osnovu dostavljenog:

1. Zahtjeva
2. Rješenja o registraciji korisnika, ID broj
3. Ugovora o odobrenom kreditnom iznosu i iznosu kamata na godišnjem nivou, na osnovu kojeg se odobravaju sredstva od strane Ministarstva na godišnjem nivou
4. Izvještaj banke o redovnom izmirenju obavezu,
5. Izvještaj korisnika o namjeskom utrošku sredstava, izvještaj o poslovanju, zadržavanje postojećih uposlenika i novo upošljavanje.

4. Program podrške turističko-kulturnim, gastronomskim i drugim oblicima manifestacija i sajмова koje imaju internacionalni značaj u Federaciji BiH, a koji promoviraju turističku destinaciju, raspoložive resurse, tradiciju i kulturu naroda i običaja u Federaciji BiH, ukupnom iznosu od 600.000,00KM.

SVRHA PROGRAMA:

Poticanje razvoja i unapređivanja / obogaćivanja turističke ponude Federacija BiH u smislu razvoja sadržaja kroz turističko-kulturne, gastronomske i druge manifestacije i sajmove kao glavnog motiva turističkih dolazaka, u cilju povećanja posjetitelja na području Federacije BiH s namjerom poticanja promocije turističkih destinacija, raspoloživih resursa, tradicije i kulture naroda i običaja.

KORISNICI SREDSTAVA

Sredstva su namijenjena organizatorima sajmova, turističko/kulturnih, gastronomskih i drugih oblika manifestacija isključivo međunarodnog karaktera - pravnim, fizičkim licima i udruženjima.

KRITERIJI ZA RASPODJELU SREDSTAVA

1. Tradicija
2. Broj izlagača na manifestaciji/sajmu
3. Očekivani broj posjetitelja
4. Površina zakupljenog sajamskog prostora
5. Medijska pokrivenost
6. Trajanje manifestacije/sajma
7. Udio vlastitih sredstava organizatora
8. Promocija domaćih proizvoda
9. Angažman mladih ili boračkih populacija

5. Finansiranje programa podrške izmjena i dopuna prijedloga „Strategije razvoja turizma u Federaciji Bosne i Hercegovine“ u saradnji sa stručnjacima iz EU-Tourism BiH, Tehnical Assistance to Support, Tourism Industry in Bosnia and Herzegovina, u iznosu od 50.000,00 KM.

SVRHA PROGRAMA:

Promocija kulturno-historijskog naslijeđa i prirodnih resursa Federacije BiH, a sve sa ciljem povećanja broja turista na području Federacije BiH i zapošljavanja

KORISNIK SREDSTAVA:

Ekonomski institut Sarajevo

KRITERIJI ZA RASPODJELU SREDSTAVA

Zaključak Vlade Federacije V.broj: 356/2013.

CV Ekonomskog fakulteta iz koje je vidljivo da je rađeno na strateškim dokumentima I Projektni zadatak.

6. Program podrške putničkim agencijama koje rade na dovođenju turista u BiH-INCOMING i vrše promociju raspoloživih resursa i turističkih destinacija na području Federacije BiH, u ukupnom iznosu od 300.000KM.

SVRHA PROGRAMA:

Promocija kulturno-historijskog naslijeđa i prirodnih resursa Federacije BiH, a sve sa ciljem povećanja broja turista na području Federacije BiH i zapošljavanja.

KORISNICI SREDSTAVA:

Sredstva su namijenjena putničkim agencijama, Incoming agencijama koje dovode turiste u Federaciju BiH.

KRITERIJI ZA RASPODJELU SREDSTAVA

1. Broj dovedenih turista u 2013. god.
2. Ostvreni prihod u proteklom periodu i broj stalno zaposlenih
3. Potpisani ugovori sa hotelima o dovođenju turista
4. Potvrda ugostiteljskog objekta o broju dovedenih turista
5. Dokaz o izvršenoj uplati boravišne takse.

7. Program podrške razvoju ruralnog turizma, s posebnim naglaskom na mlade i žene u ruralnim područjima i stvaranje takvog okruženja koje osigurava dugoročnu profitabilnost i održivost turizma, kako bi se smanjilo iseljavanje mladih ljudi sa sela, te njihovim ostankom na selu doprinijelo obogaćenju raznolikosti ruralne ekonomije, kao i spolne ravnopravnosti, gdje će žene i muškarci ravnopravno raditi na obogaćivanju turističke ponude, u iznosu od 450.000,00 KM.

SVRHA PROGRAMA

Poboljšana ponuda turističkih destinacija Federacije BiH s ciljem povećanja broja turista na području Federacije BiH i bolja promocija prirodnih resursa s ciljem razvoja seoskog/ruralnog turizma i zapošljavanje mladih.

KORISNICI SREDSTAVA

Pravna, fizička lica i udruženja koja u svojoj osnovnoj djelatnosti imaju primarni razvoj turizma, kroz projekte kojima se upošljavaju mladih i žene u cilju razvoja i promocije seoskog/ruralnog turizma..

KRITERIJI ZA RASPODJELU SREDSTAVA

Biznis plan iz kojeg je vidljivo:

1. Realizovane aktivnosti
2. Očekivane aktivnosti
3. Broj mladih koji je već angožavan, od toga broj žena
4. Broj mladih koji će se angožavti, od toga broj žena

8. Program podrške uvođenja sistema upravljanja kvalitetom HACCP i HALAL certifikata u turizmu i ugostiteljstvu, u ukupnom iznosu od 50.000,00KM.

SVRHA PROGRAMA:

Uvođenje sistema upravljanja sigurnosti hranom primjenom nove tehnologije u ugostiteljstvu, jačanje veze između obrazovnog znanstveno-istraživačkog sustava u turizmu.

KORISNICI SREDSTAVA:

Pravna i fizička lica registrovana za obavljanje djelatnosti iz oblasti ugostiteljstva čiji su ugostiteljski objekti kategorizirani sa 4 ili 5 zvjezdica, Pansioni ili Hotel baština.

KRITERIJI ZA RASPODJELU SREDSTAVA

1. Kapacitet – broj smještajnih jedinica
2. Broj zaposlenih
3. Vrsta i kategorija ugostiteljskog objekta

III

ZAJEDNIČKE ODREDBE

PRIHVATLJIVOST TROŠKOVA

Sredstva podrške ne mogu se koristiti za:

- Troškove redovnog poslovanja podnosioca zahtjeva za podršku (plaće i ostala primanja zaposlenih, troškove prijevoza i putovanja, studijska putovanja, pokriće gubitaka, poreze i doprinose, kamate na kredite, carinske i uvozne takse ili bilo koje druge naknade
- Izradu studije, elaborata, projektne i druge dokumentacije
- Najam i kupnju vozila,
- Troškove redovnog uredskog poslovanja
- Za sve druge troškove koji nisu vezani za realizaciju kandidiranog projekta i ciljeve programa

NAČIN PODNOŠENJA ZAHTJEVA

Ministarstvo objavljuje Javni poziv za kandidiranje projekata za dodjelu sredstava podrške na osnovu ovog programa koji objavljuje na službenoj web stranici Federalnog ministarstva okoliša i turizma, "Službenim novinama Federacije BiH" i dva najtirnija dnevna lista.

Nosioci programa kandiduju projekte podnošenjem zahtjeva za dodjelu bespovratnih sredstava na propisanom obrascu i u prilogu dostavljaju traženu

dokumentaciju.,original ili ovjerenu kopiju od strane nadležnog organa, i ne starija od 6 mjeseci.

Popunjeni zahtjev na propisanom obrascu zajedno sa priložima koji se zahtjevaju Javnim pozivom, dostavljaju se poštom preporučeno ili lično u zatvorenoj koverti na adresu:

FEDERALNO MINISTARSTVO OKOLIŠA I TURIZMA

„Prijava na Javni poziv – PROGRAM 1 “

Marka Marulića 2

71000 SARAJEVO

ROK ZA PODNOŠENJE PRIJAVA

Zahtjevi na osnovu Javnog poziva se primaju u roku od 30 dana od dana objave Javnog poziva u „Sl. novinama Federacije BiH“.

ZAHTJEVI KOJI SE NEĆE RAZMATRATI

- S nepotpunim podacima i nepotpunom dokumentacijom
- Koji se ne dostave u roku
- Zahtjevi subjekata koji nisu izvršili ugovorne obaveze prema Federalnom ministarstvu okoliša i turizma iz prethodnih godina ili su nenamjenski trošili prethodno dobijena sredstva

RANGIRANJE PROJEKATA

Sredstva će se odobravati projektima prema bodovnoj listi od najvećeg broja na niže, do krajnje raspodjele ukupnog iznosa proračunskih sredstava namjenjenih za ovaj program.

ODOBRAVANJE PROJEKATA

Federalna ministrica okoliša i turizma imenuje stručnu Komisiju za ocjenu ispunjavanja uslova i kriterija za dodjelu sredstava. Komisija razmatra projekte zaprimljene na osnovu Javnog poziva, cijeni ispunjenost uslova i kriterija za odobravanje sredstava, te zapisnik s obrazloženom ocjenom i mišljenjem dostavlja federalnoj ministrici okoliša i turizma.

Na osnovu prijedloga stručne komisije, Ministrica donosi odluku o odabiru projekata/korisnika sredstava , s kojim se szaključuje ugovor o međusobnim

pravima i obavezama, nadzoru namjenskog korištenja sredstava, i dr obvezama korisnika. .

ROK ZA DONOŠENJE ODLUKE

Odluka o odabiru programa i dodjeli bespovratnih sredstava donijeti će se najkasnije u roku od 120 dana od datuma zatvaranja Javnog poziva.

OBJAVA POPISA KORISNIKA

Popis korisnika i namjena dodjeljenih sredstava po korisniku biti će objavljen na web stranici Ministarstva (www.fmoit.gov.ba) i u „Sl. novinama Federacije BiH“ u roku od 15 dana od dana donošenja odluke o odabiru projekata i dodjeli bespovratnih sredstava.

ROK ZA POTPISIVANJE UGOVORA

Ministarstvo će sa odabranim korisnicima potpisati ugovor najkasnije u roku od 60 dana od dana objave Odluke.

NAČIN ISPLATE SREDSTAVA

Isplatu sredstava vrši Federalno ministarstvo finansija putem trezora. Dinamika isplate sredstava ovisit će od raspoloživih sredstava u Budžetu Vlade Federacije BiH.

NADZOR

Ministarstvo obavlja nadzor nad namjenskim korištenjem sredstava putem pisanog izvještaja s pratećom dokumentacijom (dokazima o korištenju sredstava) koje korisnik sredstava u ugovorenom roku dostavlja Ministarstvu , kao i uvidom na licu mjesta kod korisnika sredstava, od strane posebno formirane komisije Ministarstva.

U slučaju objektivno utvrđenih okolnosti koje su uticale na nemogućnost ispunjenja obaveza koje proizlaze iz ovog Programa i koje su utvrđene Ugovorom, korisnik sredstava je dužan odmah o tome obavjestiti Ministarstvo u pismenoj formi.

OBAVEZE KORISNIKA SREDSTAVA

- Bespovratna sredstva iskoristiti namjenski u zadatom roku
- Ministarstvu dostaviti finansijski izvještaj o korištenju bespovratnih sredstava s pratećom dokumentacijom koja potvrđuje navode u izvještaju .

- Na zahtjev Ministarstva pružiti na uvid i dodatnu naknadno traženu dokumentaciju

ZAVRŠNE ODREDBE

U toku provođenja programa Ministarstvo zadržava pravo njegove izmjene i dopune posebno za pojedine projekte, ako to ocjeni potrebnim, zbog njegove prirode, što će definirati u Ugovoru o korištenju bespovratnih sredstava.

IV.

Sve dodatne informacije vezane za Javni poziv, mogu se dobiti svakim radnim danom, od 14-16 sati, putem telefona 033 726 730; 033/726.727 i 033 /726 725.

Broj: 06-22-8-330/14-3
Sarajevo, 08.07. 2014.godine

MINISTRICA

Branka Đurić, dipl. ecc.